

汝胡爲至此工人具陳本末須臾有緋衣傳勅曰以禮遣之引至清泉洗浴白泉漱飲甘美似酒行半日見宮室皆金玉題云梯仙國工人詢曰此國如何答曰諸仙初得仙者關送此國修行

### 王皎破腦楊公擊頂

酉陽雜俎王皎先生善伎術天寶中偶與客夜中露坐指星月曰時將否矣爲隣人所傳時上春秋高頗拘忌爲人所奏上令殺之刑者鑿其頭數十方死因破其腦骨厚一寸八分皎先與達奚侍郎還往及安史平皎杖屨至達奚家方知異人也

### 道藏輯要

三洞群仙錄

真

翼集五  
卅一八

北夢瑣言淄齊間有道士楊仙公者莫知其年壽耆老自童稚見之每出閭巷兒童聚而觀之或就鐵鋪借鐵椎自擊其頂或令人極力擊之一無所損唯言甚快入山林與虎豹爲戲以手擊之猛獸爲之偃仆多勸人行陰德長興中入蜀居峨嵋去也

### 祈嘉呼遁仲甫吸景

晉逸史祈嘉字孔賓年二十許好學經史夜靜忽於窓間聞有聲呼之曰祈孔賓隱去來修飾人間事甚苦不可諧所得未毫銖所喪已山崖嘉遂遁去西遊海渚教授門生三千餘人